

SANITÈ: L'ambulatorio dl dotur Eduard Agreiter é stlüt en lönesc, ai 7/12; al vëgn sostitui dala doturia Grete Mahlkecht 0474 523 018 / 349 06 67 034.

COMUN: Sorvisc da desparé – Chisc dis pëia indô ia le sorvisc da desparé les plazes y strades de comun y i marciapisc. Ti posc olache i privac sciura fora nëi sön strada por che la cadria la romënes demez, mëss chësta gni sciurada fora sön strada dadoman adora denant ch'al passess la cadria; implü mëssera gni sciurada cina te strada y nia lasciada sön le marciapisc.

En lönesc, ai 7 de dezëmbër, resta i ofizi de comun stlüt.

SAN MARTIN Y LUNGIARÜ

Cun referimënt al tema dl ann dla Diozeja "Sön tûa parora: s'archité" inviëia le Vesco duc i credënc da s'archité deboriada tl'oraziun en Santa Maria ai 8 de dezëmbër. En chësc santü s'á rovë dan 55 agn le 2° Conzil Vatican (1962-1965) y dan 5 agn unse stlüt jô la Sinoda Diozejana (2013-2015).

Sot al motto "**S'archité cun Maria dan dal Signur**" vëgnel en chësc de metü fora dales 14.00 ales 18.00 le Santiscim te dotes les dljies dles ploanies dla Diozeja por l'adoraziun chîta: s'archité, ascuté, dé resposta, confidé y tó sô ci che ldi ó nes dé sô - sciöche Maria, la Uma de Dî.

Ince da ciasa infora pódunse formé na rëi de oraziun cun duc chi che prëia: se tó dlaurela, adoré, rengrazié, perié y orienté nosta vita sön Gejú Crist.

Dër important vëiga le Vëscio te chësta ocasiun ince le perié por i atri.

S'archité a perié dess ester n sëgn scëmpl che coleghëia y dá speranza te chësc tëmp nia sauri. Jënt che prëia é jënt de speranza.

Insciö s'assigurëia le Vëscio da perié cun nos y ël prëia ince do nosta oraziun.

LUNGIARÜ

En domënia, ai 13/12, tignunse la **festa de Santa Lizia**, patrona de Lungiarü.

Ince sce la festa de Santa Lizia é en chësc ann n pü' atramënter, deach'i ne podun nia lascé ite plü co en tanc te dljia, orunse impó recordé y veneré nosta patrona, ti don n sonn da festa ala gran mëssa. I inviun ince chi che stá a ciasa da ascuté y tó pert ala mëssa por radio dla cöra.

Periun che nosta Patrona, Santa Lizia, nes ilominëies le tru por rovë fora de chësta pandemia.

L'ann 2021 é n ann storich por la **Musiga da S. Martin de Tor: 100 agn** dala fondaziun dla uniun. Por chësc iubileum vëgnel dé fora n calënder storich por l'ann 2021 cun fotografies y retrac dla storia dla musiga (dal 1921 cina sëgn). I calëndri podëise se tó jödapé de dljia tratan le tëmp d'Advënt (de sabeda y domënia). Cun chësta racoiüda de fotografies orunse ciaré indô ti agn passá y ves lascé insciö n sëgn de nosta storia. Dlungia i calëndri é na scatora por chi che ô nes dé na picia spënorä. Dampërfora bel dilan de osc sostëgn!

La Spona lascia al savëi che en domënia, ai 13 de dezëmbër, sarál dales 9.00 ales 12.00 la botëga daverta por gni a cumpré nüsc produc y val' scincunda da Nadé. Ince ia por l'edema é la botëga daverta, dales 8.30 ales 11.30, te chësc caje periunse da soné pro porta. I ves periun da tigni ite dotes les precauziuns dl Covid, por ti dé segurëza a duc. I s'aspetun cun ligrëza.



Plata dles Ploanies San Martin y Lungiarü



siur ploan Klaus Sottas 344 15 54 055 - klsottas@rolmail.net
siur curat Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunita

06.12 - 13.12.20 nr. 2

SECUNDA DOMËNIA D'ADVËNT - A

Vangele do Merch 1,1-8

Scomenciamënt dl vagnele de Gejú Crist, dl Fi de Dî: Al à metü man, sciöch'al sta scrit pro le profet Isaia: I te mëni mi anunziadü danfora; al dess te daurì le tru. Na usc sraia tl desert: Arjignedi al Signur le tru! Avaliedi les strades!

Insciö ê lovë sô Jan Batista tl desert y pordicâ la converjiun y le bato por le pordonn di picia. Döta la Iudea y duc i abitané de Ierusalem jô fora da d'ël; ai confessâ sü picia y se lasciâ batié da d'ël tl Iórdann. Jan â indos n guant de polan de camel y n ciol de coran incër sü üfs, y al viô de saioç y de mil salvaria. Al incundâ: Do më nen vëgnel un che é plü gaiert co iö; iö ne sun nia dëgn de me cufé por ti desciole i cialzà. Iö ves à batié cun ega, mo ël ves batiarà cun Spirit Sant.



Le vangelist Merch mët man la storia de Gejú cun le profet Isaia, che dá coraje te tëmpe scürs, n valgügn cënc agn denant. Y spo ne vëgnel nia atira a baié de Gejú, mo al nes presentëia naota Jan Batista, le nunziadü, che vir radicalmënter por chësc so sorvisc. Jan se sint sciöche sorvidü de un che é plü gran co ël. L'onom de Jan significhëia "Idi é graziënt", al é na impormetüda che devënta vëi tl bambin che nasc a Betlehem; de so nadé ne cunta Merch nia te so vangele. Gejú vëgn adalerch sciöche un di tröc che vëgn a se lascé batié tl Iordan, sconesciü y imponëia da suraodëi. Jan Batista conësc le momënt olach'al mëss se mëte da na pert. Deache sëgn scomëncel la gran storia chëra dl Fi de Dî. Y cun ël ince mia storia. (Image)

EDEMA LITURGICA	SAN MARTIN	LUNGIARÜ	 Ti mëis de dezember periunse do l'intenziun dl Papa <i>che nosc raport cun Gejù Crist crësces cun la Parora de Dî y cun la oraziun.</i> <i>Le Vësco Ivo Muser ti scri danter l'ater ai mituns y ales mitans dla Diozeja</i> "I sun düc San Micurá!" Propi en chësc ann pó la festa San Micurá nes recordé da odëi dantadöt le le bun tl monn sciöche San Micurá. Al é important ch'i se dijunse y se mostrunse tres indô un al ater: I t'ó bun! Tö es por me prezius/a! I speri ch'ara te vais bun! I sun chiló por te! Savëise ci proposta ch'i oress porchël ves fá? Nos düc sun en chësc ann San Micurá! Sciöche San Micurá podunse ince nos se damané: A che pói pa ti fá dl bëgn? Magari te mia familia, cun na buna parora o n pice sëgn? O magari pói ti fá a zacai na picia ligrëza sc'ara ne ti vá te chësc tëmp nia tan bun? Ince chërdé sö zacai o n pice messaje pó fá ligrëza. Al é pa bëgn tröc sëgns ch'an pó fá, ince te chësc tëmp. Insciö sarunse düc un por l'ater San Micurá! Insciö vëgnel fat de bëgn ince tres nos. 
06.12.20 SECUNDA DOMËNIA D'ADVËNT - B <i>San Micurá</i>	9.00 Corona 9.30 Gran Mëssa/Rorate por la Comunità fam. Sepl y Hannele Frenner + siur Vito Rubatscher	7.55 Corona 8.15 Gran Mëssa/Rorate por la Comunità	
07.12.20 Lönesc <i>Ambroje, Maria Iosefa</i>	18.00 Poscibilité da se confessé		
08.12.20 SANTA MARIA IMACOLADA <i>Edith, Elfriede, Sabina</i>	9.00 Devoziun a Santa Maria 9.30 Mëssa solëna Rorate por la Uniun dles Ères dl ann + Paola Ploner 14.00 Esposiziun dl Santiscim Adoraziun personala cina les 18.00	7.55 Corona 8.15 Mëssa solëna Rorate por la Uniun dles Ères 14.00 Esposiziun dl Santiscim Adoraziun personala cina les 18.00	
09.12.20 Dedemesaledema <i>Pire Fourier, Juan Diego, Valeria</i>		7.30 Mëssa/Rorate por la Uniun Vëdui/es y porsones sores fam. de Monica Costa dl ann + Vito Clara	
10.12.20 Jöbia <i>Maria da Loreto, Angelina, Bruno</i>	7.30 Mëssa/Rorate ++ Frida y Paul Ploner vis y def. fam. de Martin y Milia Rives Corona por vocaziuns		
11.12.20 Vëndres <i>Damasus, Tassilo</i>	18.30 Adoraziun chîta 19.00 Adoraziun deboriada	7.30 Mëssa/Rorate families de Pio y Emma Clara ++ de Sepl y Maria Clara, Sanví	
12.12.20 Sabeda <i>Santa Maria da Guadalupe Hartmann da Porsenü</i>	17.30 Mëssa prefestia/Rorate por Crusc Blanca y Uniun Stödafüch Rorate por fam. de Albert y Rosina Moling reng. fam. Davide y Paula Sorà cun mituns y nus dl ann + Ida Dejaco	19.00 Mëssa prefestia/Rorate por la Uniun di Stödafüch + Ferdinando Clara ++ Severino y Paolina Zingerle	
13.12.20 TERZA DOMËNIA D'ADVËNT - B <i>Santa Lizia</i>	9.00 Corona 9.30 Gran Mëssa/Rorate por la Uniun Guant da Zacan fam. de Herbert Videsott, dl Cir dl ann + Doro Verginer	Festa de Santa Lizia, Patrona de Lungiarü 7.55 Corona 8.15 Mëssa solëna /Rorate por la Comunità en onü de Santa Lizia	